

陝西三原縣志

中國第一歷史文庫

陝西通志
光緒通志
乾嘉通志
乾隆通志

陝西府縣志輯 ②⑥

續刻蒲城縣志序

縣志修于順治庚寅至今十有七年矣山川土田如故也其間宦蹟之更遞人文之進縮天時之豐歉風俗之轉移

蒲城縣志序

一

月異而歲不同職有槩于中久矣然未遑也會關門狄老大人有輯九屬郡邑志之舉檄取志書為藍本如昔五代各有史一經歐陽文

蒲城縣志序

二

忠公之手筆遂可繼史漢而賡矣千古但缺畧不備何以供筆削之資乎于是商之李雲伯先生摻集補綴梓成全書蓋以前志出先生手依例

取義不必更起鑿作竈也詩云雖無老成人尚有典刑况老成人具在其所表著當必有為後人觀模者而職三年間焦心極慮兢兢為地方圖

安全弘化理之苦衷亦或可

因是以呈現其梗槩然則茲

集之刻所以應檄命也不敢

以徵文考獻自詡倘後之人

緣是而承接之則職繼往開

蒲城縣志序

三

來之任其亦何能已已

大清康熙丙午黃鐘之吉

賜進士第文林郎知蒲城縣事

楚攸鄧永芳題

舊志序

聞之蒲父老言城自創起以來雖屢更代未遭破殘故
煙火市集舍廬器具跡他郡邑稱最己丑之變叛黨竊
據其時諸大家右族見幾明作而市井者流貪圖營生
不克遠念者高逾萬人城破戮擄畧盡千年積聚一朝
蕩然余不幸承乏其後入城見門扉盡扁衢巷掃跡至
夜鶴犬無聲且山魃怒嗥環城堡砦告劫者無虛日余
乃殫力拮据延諸紳衿諮度之為之繕完城郭修整捍
禦建立驛遞召募徒役一切政治刪繁苛務寬簡安輯

蒲城縣志序

五

諸氓庶歸而復業凡百為如開草昧漸且計職渠魁唐
威黨典解散盜賊民寧年餘始霍然有起色矣猶可幸
者豁除拋荒糧萬四千有奇各納戶得力辦已糧不至
牽連為里甲累所以比限不俟鞭笞而余不佞得籍年
以如期報竣不獲譴獨是兵屠盜劫附郭田及鄉之
墮以新荒告者幾二千石余力為申請尚未
題獨慮將來民累匪細甚憮憮也公餘訪求邑乘附載卷
未冀得達之

當宁以見損上益下曰益之意余曰兵燹之餘片楮隻字

不存矣余聞之憮然因邑令宰百里猶古錫之山川土
田之遺也山川不可考土田不可稽其將何以昭職守
他如建置沿革政蹟得失人物臧否文章盛衰又何問
焉今當絕續之交失此不為後恐久而彌湮也時雲伯
李年臺以先朝制科接邊林泉日以繕閱為事乃教託
之搜究遺編三月藁脫云視昔遠亡過半余受讀之見
其簡而核約而能該或多逸亡意不關短長之數也
是斟酌裁定余不佞敢多讓焉書成爰鳩工授之梓
清順治庚寅長至日

蒲城志序

賜進士第知蒲城縣事都門張舜舉題

六

舊志序

予讀王制有曰凡居民材必因天地寒煖燥溼廣谷大
川異制民生其間者異俗器械異制衣服異宜修其教
不易其俗齊其政不易其宜知天下郡邑之有志其作
蓋由于此乎蒲城縣志凡十篇儒學教諭徐子所創編
也歷春秋戰國迄于國朝凡二千餘年一方故迹亦畧
可見矣志既成徐子以示予且請序諸首夫志之為言
識也蓋郡縣有沿革物產有饒乏人事有得失議之以
備考稽均貢食昭鑿戒述往事以告後之人而所謂修

蒲城志序

七

教齊政之事所由得也是志所載天文地理人事皆有
焉予取其人之有關於世教者言之滋官如張戩孝子
如趙玉烈婦如姜溢妻其休聲懿聞百世之後聞之者
可以興起此志之所以不容已也嗚呼是非定而鑿戒
明鑿戒明而取舍得後之人觀乎善者而不知勸觀乎
惡者而不知戒則亦非人類矣

明嘉靖丁酉萬斛山人楊爵題

邑有志所以昭往示今而垂後也夫吾邑志之缺也久
矣粵自浩刳于漢以迄于今上下不啻數千百年中間

豈為無人顧卒無一留心筆楮俾吾邑志付之為缺典者蓋將有所待也皇明永樂間蜀人明君輔者由舉人掌教吾序以聞教作人邑不可無志也乃博采群議蒐輯舊聞爰取關於風化足示勸懲涉于沿革以備觀覽者若干萃成一帙命之曰蒲城革志蓋取諸出于手錄革革焉而為之者也以貽厥後弘治辛酉河東王虎谷先生督吾陝學政臨蒲于時魚臺李鈞署教事屬纂邑志乃猶前志借生員梁贊輩遠詢近訪復得于散亡之餘又若干將錄諸梓無何鈞以賍汚事敗前後所為志

蒲城志序

八

並携去急求之已厄于火矣惜哉嘉靖壬辰江津徐君以卿舉署教于蒲先生好古博洽人也倦倦以修邑志為分內事乃決意為之于是多方搜索或考之于典籍或采之于草野或質之于士夫積少成多聞所未聞更復參酌已見筆削成書乃刊俸入木刊行用傳永永噫先生之用心勤矣亦公矣夫有志以識邑因人以成志志一也人一也一創于前一毀于後一復于今一知其創也其毀也其復也存乎其人也然有數焉默運乎其間則又非人力之所能為也孰謂天下事有逃于數之

外耶 邑人韓坤題

重修縣志序

嘗聞作史有三長曰才學識脩志亦有三長曰正虛公何謂正表端始可取影繩直始可裁木居恒有泰山北斗之望甫受事咸心傾焉不待其快之成也然後可以惟吾揚抑而人不疑何謂虛表必成于衷腋治必集于碎金匹夫匹婦之口有確案馬谷虛則響應器虛則受多自廣秋人先正戒之矣何謂公平衡不齟軒輕止水不作妍媸惟物有分惟人有質墮淵加膝使人眩于名

蒲城志序

九

實罔知所守則孰是簡斥之不言怨榮錄之不言德者無忝厥任有此三長而又有才學識濟之舉山川名物星野校科建置因革風俗移易指掌瞭然至于忠義節孝讀之令人擊節繪水不如繪風言厲神也若夫執苑雖係一方章采然有以人傳者有以事傳者間有以文傳者寧約毋濫恐全以砂混玉以石雜無益也吾蒲初無志先廣文徐君瓶于嘉靖丁酉迄今九十七年歲久剝落且九十七年間物情人事睚前不啻倍蓰而此典久缺亦非其人莫敢輕舉也今邑侯生朱父母步聯

兩榜指點五陵閱三歲道洽政治景物一新公餘徵文
考獻展卷茫然爰徵鄉大夫學士各臚所知盈筭開館
分署則有彙集若而人則有刪定若而人終經公手潤
色則簡策間已燦然作五色光矣碧服胡免當自辨之
毋啜余六長為杜撰也 明崇禎癸酉邑人王道純題

舊志序終

蒲城志序

十

輯志紀略

蒲舊無志自明永樂間廣文明君輔
始有草志後弘治辛酉李君鈞具稿
未刊瀕行並前後志付之火至嘉靖
丁酉徐君效賢集成之山川如故而
建置之沿革宦遊之政蹟與夫人文

蒲城志序

十一

之發越已不可備識矣嗣無有繼之
者閱九十七年崇禎癸酉都門生朱
侯屬蒼門先生續其事帙視舊增
四分之三己丑之變板帙散亡會我
哲之張侯整理殘疆百務維新慮故
迹之或湮也命不佞搜輯之所獲減

前十分之五若夫逸失之不可求者且付之無可如何亦以徵信不徵疑也

也

順治庚寅重陽日

邑蟠龍山人李馥蒸記

蒲城志序

十二

圖考

縣境圖 縣治圖 學宮圖 八景圖 躋次圖

輿地

沿革 星野 封域 山川 渠堰 古蹟 八景

陵墓 風俗

建置

城池 治廨 學宮 公署

蒲城志目錄

防禦

射圃 教場 鎮市 郵傳 津渡 保甲

土產

穀 蔬 瓜 果 花 木 竹 草 藥 畜

野獸 野禽 蟲 貨 酒

祠祀

壇壝 廟祠 寺觀

賦役

戶口 田畝 賦稅 條鞭 學田

第二卷

祥異

秩官

知縣 縣丞 主簿 典史 教諭 訓導

人物上

徵薦 甲科

第三卷

人物下

鄉科 貢士 武勳 武科 雜途 承恩 孝友

蒲城志目錄

行義 僑遊 節烈

藝文上

冊 碑銘

第四卷

藝文下

碑記 贊序 賦 詩歌 祭文

補遺

續志

蒲城志目錄終

蒲城志一卷

楚攸龍湖鄧永秀廬

圖考

周禮大司徒以天下輿圖周地理廣輪之數辨其名物故關陝阨塞戶口具在圖書沛公得之逃稽廣覽不越堂序今古洞如及東漢猶指地圖示臣下謂始得其一恨不遽得其全也乃知輿覽無過圖書書必窮討始見圖則展卷瞭然蒲即彈丸地疆域踰決具在也日擊而存故首著之

蒲城志

一卷

一



縣一百二十里西距富平縣九十里

里西南距省城二百二十里距渭南縣一百一十里



里西距華州一百里

北至白水界四十五里西北至

東至澄城界七十里東至澄城界五十五里



東至同州界四十五里距渭州


西至富平界四十五里西南至臨潼界七十里



里西距華州一百里

北至白水界四十五里西北至

東至澄城界七十里東至澄城界五十五里





東至同州界四十五里距渭州



蒲城志

一卷

四




蒲城志

一卷

五





蒲在井十二度之既鶉首之初

蒲城志

一卷

六

輿地

蒲居堯山之陽職方曰東蕃識重之也而尤稱勝于唐其脉發原金粟山左接五龍右連萬斛一帶岡巒如屏幃東環洛水西拱龍原南面泊鹵如鑑渭水襟帶于境外境內止漫泉一曲可灌葦地數頃餘平路晉王數泉禽合水耳故歲常苦旱

沿革

按禹貢雍西黑水東西河蒲實東境焉周都鎬附畿甸宣王時為賈國國有賈大夫塚如韋射雉事見春秋傳

蒲城志

一卷

七

尋屬晉河外西部相傳晉文公避患處有晉王離後獻之秦秦為重泉漢隸之左馮翊即今新莽曰調泉後漢更徧號後蓋魏及晉省并棧為重泉後魏太和十一年分白水縣置南白水以在白水南為名真君七年改置白水郡西魏省廢帝三年仍改白水為蒲城依漢屬同州唐開元四年建睿宗播陵于豐山因改奉先隸京兆建五折衝府設置五驛十七年陞為赤縣天祐元年後屬同州宋長安志以郃陽為蒲城改奉先縣與一統志同皆誤開寶四年考舊縣名又改蒲城其隸華州自天禧四年始金因之天會間大兵破紅巾十萬眾于此元中統初省元將吏天澤敗金兵白撒等十萬眾于黃龍山驅至此至元二年復置明洪武二年隸西安府華州今因之

論曰舊志賈國在賈曲去城西南十五里重泉在今重泉里去城東南五十里本先在今奉先里去城東二十里辨者謂重泉奉先蒲城總一城更其名未更其地謹按漢鑑記李必略甲重泉人注在今城東南四十五里其為重泉無疑辨者至謂重泉無泉不應得泉名如今

蒲城名蒲蒲何在耶且謂奉先有碑秦陵下宮不應建
縣安知不以碍下宮故而西移耶據今城內有南北二
寺塔皆唐時建相傳秦城時截南寺山門于外則寺在
前城在後可知若奉先即今城當立五折衝府時相原
府在城東二里許不應偏近若此嘗詢之士人二處尚
有瓦礫跡○又蒲城說者以城東蒲實村蒲實得名今
驗其地不宜蒲稽春秋時晉有蒲城即漢蒲子縣又西
為蒲坂俱不知何所取義豈東蒲城革而西魏偶借名
于此又左傳屈人與蒲人戰是晉屈產地為屈屬今石
樓縣蒲地為蒲屬今隰州非此蒲也天下名蒲者不止
此蒲安在也

蒲城志

十卷

八

星野

按天文志由晉界起井十二度盡二十三度過鬼四度
至柳六度為秦分邑在秦東隅擬井十二度之既居鶉

初

封域

輿地有沿革鄉社隨之漢以前邈矣唐二十二鄉元和
初拆神泉鄉隸富平奉豐陵十五年以櫟陽縣薛年鄉

蒲城志

一卷

九

來屬奉景陵附宣化豐陽寧康三鄉宋有呂寧善化崇
德龍樂翔鸞普濟懷仁蒲城原陽賢相之十鄉管宜安
孝仁懷化豐山懷仁五龍聖母沮泉積善敷貴之十里
金元更九鄉四鎮二十五坊明初四鄉管六十七里旋
為五十五里今併五十四里東翔鸞鄉一十四里附郭
雙桂餘金粟戶安奉先興平萬興永誠意永豐溫湯常
樂普濟留村平路甘泉郭庄南呂原鄉一十五里附郭
懷仁餘興仁世興安豐南石重泉堯木元碑作賈曲高
關善化善政今車渡通義孝同懷德興義西龍樂鄉一

山川

馬家山在縣西北五十里北通秦山重岩複峪多藪盜
為地方患

銅斗山在馬家南連富平萬斛山勢峻峭而遠盤如斗

金幟山在銅斗東南石高嶧鋪張若懸旆蔚然

豐山一名蘇愚在金幟東

堯山在豐山東舊圖經云堯時洪水為災諸山盡沒此若浮故又名浮山靈應夫人祠傍有柱盤泉龍池泉水

清冷不竭或愆陽酌其水雩祭則雨此一泉較大若浴

盤水止盈坎不流

重山在堯山前里許以與堯山有重疊之象為邑屏翰

紅土坡在重山東左右列嶧堯遠視之若筆架下為谿

頭谿東一山即嶧因舊志遺遂失其名語之里人謂相

蒲城志

一卷

十

傳稱嶧云甚秀麗

龍山一曰五龍山在嶧山東白水志取唐張柬之封五

龍王大將軍見廟碑甚謬

白堂山在龍山前舊圖經云秦白起曾立寨于此附巖

農家常得遺鏃折戟故一名良將谷

不群山在白堂前諸峯累累相接獨此孤迥故一名孤

山形如卧虎

金粟山在不群西頂有碎石如粟尤如蓋去縣二十五

里

論曰蒲故有魯濟鄉管五龍里後冒入白水茲山猶龍

也旁曰白堂曰不群曰金粟曰嶧山上各有碎石凝數

寸初視之若有人工實天成也然四面皆平地中崛起

五峯跳躍崢嶸儼若五龍而金粟尤著名于秦即俱以

碎石鋪張五山總號金粟亦宜

南河即同官烏泥川出車挽溝合漢井泉入蒲境隨傍

水居民為名如丁姓為丁家河高姓為高家河歷下馬

宜陽通秦加祿諸里東流納白石水龍門溝虎頭溝諸

水自五龍山陰入洛

蒲城志

一卷

十一

洛水出洛涇廢縣經延安鄜州洛川合諸水至中部南

門外合沮水經宜君白水澄城入蒲境合南河水始大

折而西南流八十里過同州朝邑從渭入河明成化後

徑入河

論曰秦志洛水經鄜州宜君耀州同官至富平合沮水

歷蒲城同州朝邑東南入渭白水志白水即漆水東流

與沮水合同州志謂洛涇出坊州宜君西北至耀州金

口與漆水合而富平又以石川河為漆水耀州以環城

夾流為漆沮水嗚呼有孔安國班固以後牽引強合類

如此漆水無的說各志亦第云合漆水而不竟其源流止以合于耀州當歷同官富平石川河相從入渭亦通若直謂富平合漆水東歷蒲城謬甚此言左輔漆水耳若右輔漆水在扶風縣東一里南流與漳水同入渭雍錄辨雍地四漆沮澄據較各志少明

東鹵池在縣南二十里即安豐灘唐大德十二年東池生瑞鹽後較禁不復生然亦出鹹連西為陳庄灘出硝近以蓬蒿燒灰煮成鹽或扭其汁可為鹽土人以利薄而不為

蒲城志

一卷

十三

西鹵池縣西南之四十里即明斗村與高春渚池過早亦不涸鄉人取水熬鹽供一方用近因人工貴多廢漢書宣帝微時嘗困于蓮勺鹵中即此如淳曰為人所困辱也地縱廣十餘里服虔曰鹵中或曰澤中孟康曰蓮勺縣西北也漢書蓮勺在縣東南雍錄元和志下邳東二十三里有蓮勺故城辨者謂下邳即蓮勺宜在縣西南不在東南及詢之渭人謂今雷花鎮即蓮勺故城正在下邳東二十餘里其在縣東南明矣

白鹵池渠縣南四十里與甘池八公灘通西連高春渚

硝東南數里為洛北洛南二鎮有溝澗兩崖土可煎鹽鹵水泛溢泄于此舊志流入沮蓋誤以洛南北為沮也或沮故道在南北之中唐取洛渭交流挽而互繞陵前紀無聞

晉王灘縣東南三十里洛北崖附近地出鹹較諸灘味厚且饒貧家采煮之注水結塊名鹹墮涇原諸邑多用之惟晉王鎮一區有馮過澇則減

論曰產鹽硝鹵諸灘斥鹵下地黍稷不生藉早乾為生計苟延殘喘無厚利也偶灘水去地出私竊耕占遂挾

蒲城志

一卷

十三

諸灘之利爭欲起課若近河蒲州朝邑故事旬餘殺傷多命已喪軀破產告訐不已僅輕聽而闕白課有成議一旦天潢涉硝鹵絕無鹽亦無資時欲罷之不能即減之亦不能貽累有司匪小昔合浦珠恣意搜括珠忽去孟嘗廢前令使民採之易米食去珠復還足鑿已

渠堰

漫源渠在縣西十五里灌葦數頃水漸微減去利十之

四五

浩泉渠在縣西北十五里水涸已三十年民猶輸金

地糧甚困

半坡寨渠 平路渠 常樂渠 俱在縣東南細流所

灌無幾無大利

山陽堰在縣北十里舊圖經曰為唐置陵寢修之

論曰昔莊熊顧穿洛溉重泉以東萬餘頃可令敵十石

發卒萬餘穿渠自徵引洛至商顏下崖善崩乃多鑿井

俾通水成渠而不及蒲明萬曆丁丑議從堯山後穿渠

引南河水灌北鄉地依熊法鑿井數十處深者三百餘

尺下多頑石不能開壬子復與富平議從萬斛山後決三

蒲城志

一卷

十四

尺嶺引高泥川水分灌西鄉地未竟止按堪輿家言縣

脉原于金粟在東北然山勢自西北來至龍山折而而

鑿南河與三尺嶺是截祖龍也勢回難成于風氣似亦

不宜

古蹟

溫湯即溫塘縣東五十里出洛崖石眼中水溫可浴旁

有木湖山平地突起周五六里高十餘仞左右危可流

泉為邑名勝

賈城在縣西南十五里即古賈國今名賈曲取漫源一

曲得名春秋傳以芮梁賈三伯伐曲沃為賈曲

晉城在縣東南四十里舊傳晉公子重耳出亡于蒲所

築計公子避難居幾何時而暇築此傳聞秦孟明敗後

晉建城為屯守拒穆公也

蓮子池在縣西北三十里舊有蓮藕之利今不知所在

或謂浩泉左右可開池種蓮即其故址也

晉穆公寨在沮水東崖相去五里一統志云在縣東北

三十里晉穆公屯兵處果爾必白起屯兵之白堂山也

洛距縣五十里況曰東崖當另是一寨晉累敗秦師由

蒲城志

一卷

十五

此直三十里哉

蘭昌宮在縣東北二十里相傳秦公主也葬此韓城應試

生薛彤過而誤入其宮盤桓數日贈之屏玉寶玩及出

詣長安已三年過矣此語似不經以王鳳洲採入艷異

編姑存之

五折衝府唐建之衝五陵曰相原孝德溫泉宣化懷仁

各設兵唐柱而府旋廢

五驛亦唐建昌寧在縣內通智在景陵下堯山在光陵下

孝城在秦陵下豐山在橋陵下今俱廢

同州故城在縣南五十里即漢馮翊城宋長安志作殺
祠城及金修縣衙記曰此縣地名殺祠又續大事記曰
殺祠縣也若然邑南五十里重泉故城建置何所皆無
稽之語也

晉太子庶糧堡夫曰庶豈糧不繼而匱于此抑蓄糧耶
堡在縣東北六十里洛水西崖史記晉世家穆侯四年
娶齊女姜氏為夫人七年伐條生太子仇杜預曰條晉
地漢地理志懷德縣高貢北條荆山在南按朝邑縣有
懷德故地去條不遠而庶糧無所稽乃洛東有永豐重

蒲城志

一卷

十六

晉濟里或取古蓄糧為名一說秦晉戰于彭衙時有此
據今縣東四十里曹村有塋土人名曰古城在洛西崖
距舊重泉正東北六十里對岸即永豐或是其地

蟠龍神原舊圖經曰唐明皇避幸見雲霧中有黃龍狀
于下得石狀似蟠龍以其地為龍樂鄉石在縣西四十
里料落原尚存

避難堡在縣東北八十里澄城縣界計蒲地舍晉重耳
復誰有何難而避之春秋傳文公十年夏秦伯伐晉取
北微即此故澄曰北微城蒲以避難名為堡實一基也

離縣六十里餘若以舊重泉計之則八十里

仙坑岩地理志縣北堯山神祠宋大中祥符間大旱尹
馮舜臣禱雨曰若獲甘雨重修廟貌雨既足舜臣料工
修廟地址隘狹展右崖石壁鑿丈餘石中見仙人骨枕
肱卧乃從出東岩安置號仙坑岩若有人打脛骨有髓眼
一曰金皇統間縣令馬伯鷹云

木屐翅四俱在沮水岸舊說禹治水至此屐下棄泥積
成地各周二里崇百尺縣東偏南四十里

炭谷在縣西北三十里舊出炭今無後縣北三十里復

蒲城志

一卷

十七

出人利其途之便將蔡鄧炭遂華今又無惟運白水縣
東庚耳獨白菴紫土硫黃礬紅取之蔡鄧

白馬谷縣西北四十里俗傳昔朝暮見白馬影于谷中
以為神

魯王宮城在縣西南四十里大統記曰即魯之哀王城
也詰之里人相傳有男子過灘見一人落水浴身男子
誤穿其衣偶有龍自灘躍出被震擊尋不知所始知
浴身者龍也里異而憐之號酒坡灘王後人為立廟是
曰酒王宮禱雨多應舊志誤為魯哀王宮夫魯哀王至